


Tertib Surah	Nama Surah	Bilangan Ayat	Bilangan Ruku`	Makkiyyah / Madaniyyah	Tertib Turun	Bilangan Paragraf
Ke-43	Az-Zukhruf	89	7	Makkiyyah	Ke-63	9





### Zaman Diturunkan Surah Dan Latar Belakangnya

Surah az-Zukhruf diturunkan di peringkat terakhir kehidupan Rasulullah di Mekah, antara tahun ke-11 hingga ke-13 Kenabian, ia diturunkan kira-kira 5 atau 6 tahun selepas turunnya Surah ad-Dukhan dan Surah al-Jaatsiyah, Surah az-Zukhruf diturunkan hampir-hampir sezaman dengan Surah as-Syuura. Ketika itu Rasulullah s.a.w. dituduh oleh ketua-ketua kafir Quraisy sebagai tukang sihir dan lain-lain. Mereka juga telah mengadakan komplot secara terancang untuk membunuh Rasulullah s.a.w. (Ayat: 79).

أَمْ أُنَبِّئُكُمْ أَفْئِدَةً مِّنْكُمْ

Surah ini adalah surah yang ke-4 dalam rangkaian surah-surah yang dimulakan dengan حم (حَوَامِيم) tetapi dari segi tartib turunnya ia adalah yang terakhir.

1. Orang-orang musyrikin Mekah mengakui bahawa Allahlah yang menjadikan langit-langit dan bumi (Ayat: 9), mereka juga mengakui bahawa Allahlah yang menciptakan manusia (Ayat: 87-88) tetapi mereka tidak menganggap Allah sebagai إِلَه (satu-satunya tuhan yang layak disembah) dan tidak juga sebagai شَارِع (pembuat undang-undang) dan حَاكِم (pemutus hukum), kerana itu dikatakan kepada mereka: “Allah إِلَه di langit dan juga إِلَه di bumi” (Ayat: 84). Kuasa dalam mengadakan dan mengatur alam semesta juga ada pada Allah, kuasa untuk mengada dan mengatur undang-undang syari’at juga adalah hakNya. Dia sahaja juga yang berhak disembah oleh manusia.
2. Masalah kedua orang-orang musyrikin Mekah ialah mereka juga terlibat dalam شُرْك فِي الْذَات, mereka percaya para malaikat adalah anak-anak perempuan Allah dan Allah mempunyai juzu’-juzu’Nya di kalangan hamba-hambaNya, aqidah ini dibantah dan dinafikan. Ia dibantah melalui ayat ke-15 hingga ke 25, juga bahagian terakhir surah (Ayat: 81-82).
3. Fir’aun juga pernah menganggap dirinya sebagai إِلَه dan رَبّ di bumi sedangkan dia sendiri termasuk dalam orang-orang yang percaya kepada banyak tuhan (al-A’raaf: 127).
4. Di dalam surah ini juga disebutkan sunnatullah dalam membinasakan bangsa-bangsa iaitu Allah menghukum manusia yang tidak bersyukur dan orang-orang musyrik (Ayat: 8, 25, 41 dan 55).
5. Rasulullah dihiburkan dan ditenangkan ketika Baginda menghadapi kesulitan dan cabaran hidup (Ayat: 40-45, 79, 83 dan 89). Dalam masa beberapa tahun saja lagi orang-orang Quraisy akan menerima kekalahan.
6. Dengan mengemukakan da’wah Nabi Ibrahim, Nabi Musa dan Nabi ‘Isa, manusia diingatkan bahawa sekalian para nabi juga menerima ajaran tauhid dan menyebarkannya dan itulah صِرَاطٌ مُسْتَقِيم (jalan yang lurus) (Ayat: 64).



### Perkaitan Surah Az-Zukhruf Dengan Surah Sebelum Dan Selepasnya

1. Di dalam Surah as-Syuura sebelum ini telahpun dibuat perbandingan di antara syari'at Allah dan syari'at ciptaan manusia, di dalam Surah az-Zukhruf ini haakimiyyah (kekuasaan mutlaq) Allah di alam semesta dan haakimiyyah Allah dalam membuat syari'at hanya khusus dengannya. Allah s.w.t. adalah **إله** di langit, Dia juga **إله** di bumi.

2. Di dalam Surah ad-Dukhan telah disebutkan sikap-sikap Fir'aun yang sombong, takabbur dan bermaharajalela di bumi. Manusia yang mempunyai sifat-sifat itu tidak akan menerima haakimiyyah Allah, sebaliknya akan menganggap dirinya sendiri mempunyai kuasa haakimiyyah.

### Beberapa Kata Kunci Dan Tema Utama Surah

1. Qur'an disebutkan sebagai **كِتَابٌ مَّبِينٌ** dan **ذِكْرٌ**, tujuan ia diturunkan dalam Bahasa Arab ialah supaya Bani Isma'il dapat memahaminya dengan baik dan seterusnya menyebarkannya ke serata dunia (Ayat: 2, 3, 4, 5 dan 44).

2. Rasulullah s.a.w. diarahkan supaya berpegang teguh dengan kitab itu (Ayat: 43).

**فَأَسْتَمِيعَ بِالَّذِي أُوحِيَ إِلَيْكَ إِنَّكَ عَلَى صِرَاطٍ مُسْتَقِيمٍ ﴿٤٣﴾**

3. Orang-orang musyrikin Mekah ketika mengkritik al-Qur'an berkata: "Kenapa al-Qur'an itu tidak diturunkan kepada pembesar lain di Mekah dan Tha'if (**قَرِيبَيْنِ عَظِيمٍ**) selain Muhammad?" (Ayat: 31).

4. Rasulullah s.a.w. dituduh sebagai tukang sihir (Ayat: 30). Sebagai jawapan kepada tuduhan itu dikatakan rasul-rasul terdahulu juga telah dituduh sebagai tukang sihir, Nabi Musa juga telah dituduh sebagai tukang sihir (Ayat: 49).

5. Di dalam surah ini dinyatakan bahawa hukuman Allah sangat dahsyat, Dia pasti akan membinasakan bangsa-bangsa yang zalim dan kejam (Ayat: 8). Untuk menyatakan sifat Allah itu, 3 kali digunakan perkataan **إِنْتَقَمْنَا** (Ayat: 25, 41 dan 55).

(Ayat: 25).

**فَأَنْتَقَمْنَا مِنْهُمْ فَأَنْظُرْ كَيْفَ كَانَ عَقِيبَةُ الْمُكَذِّبِينَ ﴿٢٥﴾**

(Ayat: 41).

**فَإِنَّمَا نَذْهَبَنَّ بِكَ فَإِنَّا مِنْهُمْ مُنْتَقِمُونَ ﴿٤١﴾**

(Ayat: 55).

**فَلَمَّا ءَاسَفُونَا أَنْتَقَمْنَا مِنْهُمْ فَأَغْرَقْنَاهُمْ أَجْمَعِينَ ﴿٥٥﴾**

6. Di dalam surah ini beberapa kali dikatakan Allah sebagai **خَالِقٌ**, orang-orang musyrikin Mekah juga



menerima Allah sebagai خالق (Ayat: 9, 87 dan 12).

(a) Di dalam surah ini juga berkali-kali dikatakan Allah sebagai رَبّ, orang-orang musyrikin Mekah juga menerima Allah sebagai رَبّ (Ayat: 10, 11, 12, 14 dan 64).

(b) Orang-orang musyrikin Mekah diminta supaya menerima juga Allah sebagai إِلَه dan satu-satunya tuhan yang layak disembah. Mereka diminta supaya menerima tauhid uluhiyyah dan juga tauhid haakimiyyah (Ayat: 85 dan 44). Mereka diminta supaya menerima tauhid ibadat (Ayat: 64). رَبّ sahaja yang layak disembah, tauhid ibadat itulah صراط مستقيم (Ayat: 64).

إِنَّ اللَّهَ هُوَ رَبِّي وَرَبُّكُمْ فَأَعْبُدُوهُ هَذَا صِرَاطٌ مُسْتَقِيمٌ ﴿٦٤﴾

7. Tiga orang nabi yang utama juga pejuang ajaran tauhid.

(a) Nabi Ibrahim juga pejuang tauhid dan Baginda tidak suka kepada syirik (Ayat: 26).

(b) Nabi `Isa juga menyeru kepada tauhid uluhiyyah (Ayat: 57 dan 58).

(c) رسول مبین iaitu Nabi Muhammad s.a.w. juga menyeru kepada tauhid yang murni (Ayat: 29).

8. Di dalam surah ini juga terdapat penafian dan penolakan terhadap شرك في الذات, sesetengah golongan musyrikin yang tidak bersyukur menjadikan hamba-hamba Allah tertentu sebagai 'juzu' dan sebahagian daripada Allah (Ayat: 15).

وَجَعَلُوا لَهُ مِنْ عِبَادِهِ جُزْءًا إِنَّ الْإِنْسَانَ لَكَفُورٌ مُبِينٌ ﴿١٥﴾

Sebahagian daripada mereka mengatakan mereka berhak mendapat anak lelaki, sedangkan Allah pula hanya mempunyai anak-anak perempuan dan mereka menganggap malaikat itu sebagai anak-anak perempuan Allah.

9. Orang-orang musyrikin Mekah memperolok-olokkan seruan Rasulullah s.a.w. يَسْتَهْزِءُونَ (Ayat: 7).

كَانُوا بِهِ يَسْتَهْزِءُونَ ﴿٧﴾

يَضْحَكُونَ (Ayat: 47).

فَلَمَّا جَاءَهُمْ بِآيَاتِنَا إِذَا هُمْ مِنْهَا يَضْحَكُونَ ﴿٤٧﴾

Mereka juga merancang untuk membunuh Rasulullah (Ayat: 79).

أَمْ أَمْرُؤًا أَمْرًا فَإِنَّا مُبْرِمُونَ ﴿٧٩﴾

10. Di dalam surah ini Rasulullah s.a.w. diberikan beberapa panduan dan Baginda juga diberi bermacam-macam tasliah (penenang jiwa), antaranya ialah walaupun orang-orang musyrikin membuat perancangan jahat terhadap seruan Islam, namun Islam tetap akan tersebar dengan meluas di dunia

(Ayat: 40 hingga 45, 79, 83 dan 89).